

經部

欽定四庫全書

御暴春秋直解御果序? 經部

腾绿監生臣金 特

群校官監察御史 陳化龍 給事中日温常經覆勘 校對官助教臣具省蘭 覆校官中書臣宋枋遠 **腾绿监生臣陸朝愈**


もこの事人こすい 欽定四庫全書 暴春秋直解 提要 勅撰以十二公為十二卷莊公僖公襄公篇頁稍 御纂春秋直斛十五卷乾隆二十三年奉 繁各析一子卷實十五卷大青在發明尼山 臣等謹按 本義而剷除種種迂曲之説故 即暴奉秋直解 經部五 春秋類 :

飲定春秋傳説彙纂宗旨同符考班彪之論春秋 賜名曰直解冠以 御教序文揭胡安國傳之傅會臆斷以明語天下與 書有妙用儒者罕能領會多求之繩約中 羊穀梁之傳日月不具輒為意使平常之事 平易正直春秋之義也王充之論春秋曰公 之心蘇軾之論春秋日春秋儒者本務然 有怪異之說徑直之文有曲折之義非孔 ----

務為新奇以相勝而春秋以荒自孫復 廢傳解經之説使人人各以臆見私 聞聖人之勸懲亦易知易從自啖助趙匡倡 安有許多義例然則聖經之法戒本共見共 惡自見又曰春秋傳 有眨無褒之說說春秋者必事事求其所 秋亦口聖人作春秋不過直書其事而善 法家者流苛細繳繞竟亦何用朱子之書 印幕素致直解 例多不可信聖人紀事 相揣 為

御篆春秋傳説彙纂以辨訂其是非復恭讀是編以 訓示務斟酌情理之平以求聖經之機意凡諸家 罪而春秋益荒俞汝言春秋平義序謂傳經 言居要矣是編恭承 之失不在於淺而在於深春秋尤甚可謂 贬求其所以貶而不得則鍛鍊周內以成其 說穿鑿破碎者悉斥不採而筆削大義愈 炳然學者恭讀 Ŋ. 片

大三日年八日 年九月點校上 御寒春秋直解 總 總纂官臣紀昀臣陸 校 官 臣 陸 費



大きコテトこう 為素臣猶或詳於事而失之誣至公羊穀梁去聖逾遠 夫成書之始即将夏不能養一辭益辭不待養也彼南 欽定四庫全書 削以正褒貶不過據事直書而義自為比屬其辭本非 史董狐世稱古之遺直別以大聖人就魯史之舊用筆 中古之書莫大於春秋推其教不越予屬辭比事而原 得已賛且奚為予厥後依經作傳如左氏身非私 御纂春秋直解序 印暴春秋直解

皇祖欽定傳說彙纂一書鎔範羣言去取精當麟經之微 聞志切近因輯易詩二書竣事命在館諸臣係系是經具 著及張氏廢而胡氏直與三傳並行其問傳會臆斷往 言大義奶若日星联服習有年給 在不免承學之士宜何考衷也哉我 聚於人自為師經生家大抵以胡氏安國張氏治為最 乃有發墨守而起廢疾儼然操入室之戈者下此敏歐 解以進一以景篡為指南意在息諸說之於歧以異傳

大七日車金与 ● 柳基春秋直解 而豈獨春秋一經為然哉是所望乎天下之善讀經者 所滯擇善而從之論深有取馬夫儒者猥云五經如法 融諸傳之同異以尊經庶幾辭簡而事明於范寧去其 說之離經甚於曲學之泥經也審矣書既成命之曰直 而為例一 律春秋如斷例故啖助趙匡陸淳革忠取經文書法纂 **匪不求甚解之謂謂夫索解而過不直則義不見爾** 叔孫通蕭何增置傍章已後例轉多而律轉晦益由 引微切墨以求之動如鑿枘之不相入譬

	 		-	 	
					乾隆二十三年秋月御製
					月御製
The second secon					-
		·		,	

いろうした 容置議然識聖人之深意者有幾乎王道熄而作春秋 春秋聖人尊王之經也元年春王正月開宗明義之第 禀王之春王之正而得是非尊王之義乎且是年也於 即繼之曰春王正月前史所無有也益言公之元年 春秋魯之舊史也自隱公始則不得不書隱公元年而 御製書春秋元年春王正月事 齊為九年於晉為二年衛鄭以下各為其年不可妻指 也解此者自三傳以至後儒其說充棟或致操戈無

時與王之元所謂大一統足以一天下之心而不可任其 世是則封建之說不惟不可行於後世知聖人亦未必 而絕筆於獲麟盖聖人之道在萬世即聖人之憂在萬 紛有不能行之嘆矣兹為開宗始義乃貫春秋之本末 言春王而不言王春月可改而春不可改亦隱寓夏之 其亦有感於斯乎行夏之時聖人之私議不能行於時 其年而知其歲乎是則聖人之書元年春王正月也者

金グロド人生言

數而總為平王之四十九年於斯時也世人將何以紀

御製題解

			乾隆戊戌孟夏月	以為宜然也
			戊孟夏月	然也
甲塔春块直耳			71	


-				
<u> </u>				


-				
				2
				·

次主四車 全馬 御前大臣兼管理藩院事務暫行署理步軍統領事務忠勇公臣傅 經筵講官太子太保協 辦大學士吏部尚書 图統勲 經筵講官太 正總裁官 副總裁官 今天傅或英殿大学主議改在自總管 務府在華管兵部事務臣來 如暴春秋直解 傅吏 色武殺課勇公臣兆 書臣汪由敦 1

í 湖 吏 纂修官 提 調官 部 保議政大 部 廣 部左侍郎兼管順天府府尹事務教習庶吉士 銀 道 臣理藩院尚書兼都統 庫 監 聯名 選 司 員 察 郎 御 郎 五日 額两景額 臣劉 /臣覺羅巴延 臣袁守何 臣 納延 綸

人二日三二十二十 謄録官 捐 舉 舉 收掌官 部 頹 職 柳纂春沃直解 西 司 額 司 主 事臣馬光熊 同臣王成曾 庫巴尼暉 臣葉 位王丈炯 人臣夏東街! 能





第五卷下 第五卷下 目録

ランショーノニラ	第九卷上	成公	第八卷	宣公	第七卷	丈公	第六卷
如果春秋直解							
				<u>-</u>	1.2. <u></u>		i

定公	第十一卷	昭公	第十卷下	昭公	第十卷上	襄公	第九卷下	金万七五三十
								目錄
								-

アクラン口のことにある 明/ 柳葉春秋直朝			哀公	第十二卷
1				
御暴春秋直朝				
,				
H				

V		-						
]	"		T.	Ī .			1
		1						1.
'								1
		! 						ないでん つき
ľ								13
:								7.
l								P
l i								
1								ıa
								日録
		-						
:						ł		
!								
i		1						
		1				-	Ì	
						1		
					!			
;					, ,		İ	:
·			j	i	į	ł		
!		l				1		1
						l.		

欽定四庫全書 たこりにこう 起平王四十有九年在位五十有一年 張桓王立 御纂春秋直解卷 作馬託始隐公時相接也據時事以維王迹而是非 春秋繼詩書也雅亡於黍離書終文候之命斯春 春秋為尊王而作而用魯紀年者本魯史也後人因 著治亂具法戒昭使後世得以考而鑒馬孔子之 印察春秋直午

隐公 一万世屋八言 爾 名息姑恵公之長庶子也 之所以別經也抑以著尊王之義不失聖人之旨云 尊王之意哉今特立王年於魯君元年之前而大書 増之則混經且魯公之年大書而王年分注豈聖人 以干支與天王之年冠其上其意善矣第經所無而

春王正月 圖之始震復律呂之始黃鍾思象之始日至皆天道 建子子何以為春春為青陽寅者三元之備而子則 月為正正始也冠王於正者周正也夏正建寅周正 春者嚴之首天道之始正者月之首人事之始謂首 天下而列國之史各得稱元年以紀事志始也 元始也先君之終嗣君之始故稱 元王者正朔通平 陽之生天開之始春氣之前也干支之始甲子卦

一一一一一一一 三月公及邾儀父盟于茂 成之義也建子之月改朔改時本天道以授人周王 即位之禮史無可書非孔子之削之也 月者以元年正月應有即位之事也隱志讓桓不行 教也春秋竟時無事乃書首月此下三月有事書正 之法也正月之上書春書王紀王制以示後孔子之 也周改時改月而商建丑為地正不改時改月者無 求都好也會侯爵而稱公者會史所書臣子之辭也

Dilant Lin 夏五月鄭伯克段于鄢 禮也都會附庸儀父其君之字也都近魯公立而盟 克之甚之也 兵争國則不書弟與公子以不稱弟知其争國也勝 逐其弟也凡殺子弟目君以目鄭伯知其為弟也稱 盟有書及有書會書及者止有盟事書會者兼行 而去之曰克親而兵之可傷矣于郡遠也已奔耶又 以結援馬不日史失之也 中家春头直耳

金定四库全書 |秋七月天王使宰咺来歸惠公仲子之罪 繫王於天明王者當欽若天道欲循名以盡其實又 於王成父過也平王不正其非夫人而聞之壞王綱 之為夫人故止曰仲子而隱公尋父志而以其卒赴 於惠公者惠公寵仲子若夫人兆禍端也然究未立 以見尊王即所以尊天不尊王則獲罪於天也宰統 百官天子之卿也或名或字或爵因舊史也繫仲午 也具後桓休邪謀而為篡逆歲天倫也仲子之名

火三四五人二五 柳寨春秋直解 冬十有二月祭伯来 九月及宋人盟于宿 孰及之公也隱桓皆宋出而桓母則武公之子也王 與也 不自来而使其臣曰宋人外早者也其地以國宿亦 **賵仲子公不自安而釋先君之怨以求成馬宋輕公** 正而平與惠隱桓之失皆著故曰春秋之志徼而彰 祭伯畿內諸侯為王卿士祭周公之裔故與魯為 25

公子益師卒 之漸也 内臣書卒者皆卿也大國之卿三命受王命而為君 書来非事也故不稱使非三命則私交也結內近以 程子曰時不請命故卒不書官不與其為卿也稱公 侦國挟外援以要君則亂之所由階謹私交杜朋黨 子以公子故使為卿也是也益師者衆氏之始也諸 佐國之治亂與有責馬卒之者重之且以尊君命也

生ラモ・ト

春公會戎于潜 二年 事而私會耳戎徐戎在會東舉號無爵也潜魯地會 之抑以為戒也 **使世國大夫不世官卿世則臣柄國而公室甲矣書** 諸侯以禁止天下之不義春秋書諸侯之會皆非王 周官行人曰時會以發四方之禁盖天子非時而合

火包里在雪 一种暴春秋直解

戎修惠公之好也非王事而修私好於同列且非宜

夏五月莒人入向 無 况戎乎 **早師少稱人或不詳亦稱人書入不順** 尊師衆稱某帥師將尊師少稱将將卑師衆稱師 莒向皆國名凡用兵君將不言帥師君重於師也 駭帥師入極 無駭會仰也不氏未賜族也書師師志用衆也極亦 王命而入國不臣也擅與兵而王不討馬不君也 也胡安國日 將 將

1,7,10,1 711 秋八月庚辰公及戎盟于唐 况盟乎 國名 有道禦侮有方會或非禮也盟或非策也會且不可 矣盖魯與他國盟皆書及別內外之群不必皆魯欲 前此潜之會公辭戒盟今復以請而盟于唐非魯欲 也惟兵事則內外皆主欲戰者而書及重之也自治 公羊曰及我欲之如蔑之盟公求好於都是魯欲也 中菜春秋直汗 걋

冬十月伯 九月紀履輸来逆女 大婚^v 公自 履 逆 女也内女為諸侯夫人書歸者五而 以後遭紀之變而関之且其婦 主婚也卿為君逆至其國而君逆於所館所 既至冤而親迎是也禮之節也伯姬者先 叔姬之歸不得略而於伯姬之歸特書逆以 紀卿也卿為君逆稱逆女女者徒父所 姬歸于紀 叔姬之賢不 紦 伯 姬 稱之 可 獨 公之 辭 眀

ここり 紀子伯莒子盟于密 十有二月乙卯夫人子氏薨 地者婦人無外事有常處也尊同則位正順昭則化 葬明順也夫人之義従君者也後有合葬之事也不 其為嫡也 紀婚魯故為魯盟艺紀侯爵子伯訛也 左氏口魯故也向近魯而莒入之莒魯之争自此始 公夫人也書薨明齊也夫人與君其尊同也先薨不 :::; 中心春天直年

多次 口屋 台言 鄭人伐衛 春王二月己巳日有食之 三年 左氏曰討公孫滑之亂也聲罪致討曰伐征伐天午 侵伐則稱兵以叛上春秋皆惡之止亂也 之大權自諸侯出非禮也私會盟則結黨以要君專 已已二月朔也不書朔史失之也日月共行於天而

いん)日う した 三月庚戌天王崩 戒則雖有象而無其應弗克畏天災咎之来必矣 陽也日食必書教人君以恐懼修省之道也克謹天 崩者上墜之形不名者臣子之辭魯不敢名公天下 換日而食不言月換日止書日有食之者抑陰而存 各有道歲凡十二會會而東西同度南北同道則月 志葬者赴告及魯會之也平恵定靈志崩不志葵者 均不敢名王也春秋思十有二王桓襄匡簡景志崩 一 知暴春头直洋

蛋牙口屋 全言 夏四月辛卯尹氏卒 **識世仰也因其告喪而以氏書着尹氏之世執國政** 赴魯亦不會也不赴內臣之罪不會外臣之罪也 赴告雖及會不會也在僖項崩奏皆不志者王室不 舊文也其曰君氏者史策之文數抑國人之稱數尹 君之號而擊之為氏於言則不順春秋所因者魯史 也不名義不繁乎名也左氏傳作君氏曰聲子也為 公故曰君氏夫國母也而創為之稱於名則不正以

あんだり ラーハンラー 秋武氏子来求膊 非禮也仲子之赗天王来歸天王之轉武氏来求比 辭也書武氏讓世官也稱子弱且未命也不稱使當 氏見於詩春秋者屢矣而君氏不經見無所據依當 丧未君也 雖不歸周不可以求之求之為言得不得未可知之 而觀之可傷矣穀梁曰周雖不求魯不可以不歸會 以公羊傳為正 ~ 甲纂春秋直解

諸侯不生名卒則名之盖史之為道著姓名序世次 月庚辰宋公和卒 有不名何也或即位而告為後同盟而存載書朝會 諸侯曰薨不書薨外辭也魯君書薨臣子之辭也外 是則其名不可知或史失之亦不得而紀也 而具要約聘告而肅簡廣於其辛赴可知而紀也非 記事實明是非的法戒也卒之知其世也名之知其 也以是考其事馬是非可定法戒可舉矣然有名

冬十有二月齊侯鄭伯盟于石門 癸未葬宋穆公 矣 左氏日尋盧之盟也而齊鄭之交固矣鄭與衛隊故 莊亦挟僖以自强其交固天下始多故諸侯遂無王 結援齊欲圖伯故樹黨劉實曰齊僖資莊以斜合鄭 公而曰葬宋穆公也會者非卿則不書書其所為之 弃後外銀来告也葬後內 錄往會也故不曰宋葬穆 マ 知 い 一味

金定四庫全書 四年 春王二月艺人代祀取年妻 事其有使往可知也 是利之也故書代以罪其竊王之權書取以惡其奪 牟婁祀邑也伐者問罪之辭服則止耳徒而取其邑 初猶以取邑為重是也後則不勝書矣 人之有隐公之篇書外取邑者二陳傅良曰春秋之 衛州吁弑其君完

夏公及宋公遇于清 200 mm 1.11 弑 逆大惡聖人所不忍言然而必書之者定亂賊之 書公子世子則書世子大夫書氏不氏因舊史也既 使随事以慎其微也 罪名欲以行天討而戒萬世也凡得其罪名者書名 定亂賊之罪名且著其由来之異盖儆君父以自修 不得其名者在當國者書國眾則書人公子之親則 兩君相見有會禮有遇禮行會禮書會行遇禮書 阿慕春以直解 +

金牙でにんべる 宋公陳侯蔡人衛人伐鄭 宋與衛伐鄭而公不與則公志在討賊而宋不徒 伐鄭之謀發於衛州吁弑君而求寵於諸侯先叙三 紀實也清衛地也左氏曰公與宋公為會未及期衛 知矣及宋乞師而公辭馬公其知義矣乃暈也固請 國惡黨賊也宋公子馮出奔鄭殤公乗州吁之請而 而公弗能禁守義不篤失其職矣 人来告亂公及宋公遇于清其為咨衛亂明矣既而

次二)り二人二方 柳葉春秋直解 秋暈帥師會宗公陳侯蔡人衛人伐鄭 九月衛人殺州吁于濮 州吁自立而斥其名正其為賊也稱人衆辭也殺之 甚矣故首宋 鍾巫之禍兆矣再序四國盖於黨賊者有餘惡馬 之為賊也是将敢於自為賊也方命主兵無所忌憚 公辭宋矣暈帥師而會宋是要君使黨賊也是好人 以兵會懟鄭之欲納馮而不忌州吁之為篡賊其惡

かりなじ 之所得討也公羊子曰稱人者討賊之辭是也定大 者石碏而書人明非碏之私討而人皆欲討亦夫人 陳亦有助馬其黨賊也罪之其助討也予之是非之 無所容矣故曰春秋成而亂臣賊子懼州吁二月弒 惡之名嚴黨賊之罪予討賊之義廣討賊之途賊始 與今陳不匿賊取船猶知畏義馬耳 君而四國連兵欲定其位故久然後能殺之濮陳地 公也後此宋求萬於陳魯求慶父於若皆責略而後 たりずし かつこう 一年春大五年 冬十有二月衛人立晉 然衆可以討賊而不可以立君晉可以為君而不可 齊小白之入于府而書衛人之立明非晉之争也州 殺州吁者石碏也則迎晉者亦碍也乃不同碍於尹 吁討而衆堂在晉稱人者見碏之後衆晉之得衆也 氏之立王子朝而書衛人明非碏之私也不同晉於 而擅置其君晉利國人之奉已而專有其國皆非也 以立於衆國承之父也命出之王也衛人不請於王

五年 春公觀魚于常 夏四月葬衛桓公 時也然公以為觀而非以為祀也且于棠遠矣非地 魚漁也月令季冬始漁周之仲春夏之季冬也漁之 書立以止亂也 人可立君則生事以邀功市恩以竊國階之亂矣特 人加可見 八十 秋衛師入鄉 九月考仲子之宮初獻六羽 宫成而祀曰考庶子為君為其母立宮桓未君而仲 禮也 夏葬桓公秋入邸緩於送終而急於入國不以居喪 為重也繼州吁之後而復阻兵修怨以亂踵亂矣 配益衛侯爵而稱公則彼國臣子之群而私益耳非 左氏曰衛亂是以緩古者諸侯薨誄於天子宜以爵 一种暴春秋直解 十四

金万世屋台 **郑人鄭人伐宋** 諸侯以爵序至用兵則以主者首戒與戎也都主兵 也 事但陳羽舞故不謂之佾魯僧八佾舊矣仲子之宮 故序鄭上雖都見侵於宋然當告之天王乃間宋鄭 之宮則羣廟仍不改其僣也其辭微矣 不敢同於羣廟故降用六書初獻明前此用八之 子有宮非禮也六羽六佾也佾舞有干羽婦人無武 然用六羽於仲子之宮則仍借矣且止用於仲 巷

「人AL)コレー人にう 一一 中暴春秋直年 冬十有二月辛已公子强卒 蟲食苗心曰螟國以民為本民以食為天書之使 則理關天下也 君畏天災重民命戒逸欲啟憂勤也齊履謙曰春秋 所書有災有異害及於民之謂災物及其常之謂異 者會皆備書諸國惟異則書盖災則事止一 除遂結鄭以伐之非其道矣故罪之 去 國異

六年 宋人伐鄭園長葛 動了口匠とこ 春鄭人来輸平 臧氏之始也 鄭伯之罪輕也今宋又伐鄭而圍其邑背惠無親佳 報入郛之役也入郛之役都主兵而報鄭者欲除 也宋殤以馮在鄭而两伐鄭鄭之報宋序於邾下以 兵虐鄰其罪甚矣 馮

アニコラニハコラ 一 卸暴春秋直解 夏五月辛酉公會齊侯盟于艾 謂是以我止殺也如以利雖解怨釋爭而聖人懼馬 東方之國務為大結鄭結魯其黨風矣書之以志務 鄭故也齊鄭常盟于石門今則因鄭輸平而為此盟 謂是以亂易亂也 也以利平則不可如以義雖與師毒衆而聖人與馬 日鄭輸平於魯盖以利相結離宋會之黨也夫平可 輸納也平者前有不平今則釋憾而平之也胡安國 十六

金罗巴屋台言 秋七月 復離宋黨而與鄭為中邱之盟修合條離為行私計 僖小伯之始也季本曰魯離宋黨而與齊為文之盟 又二年齊離鄭黨而與宋為瓦屋之盟又二年齊魯 竟時無事舉首月以配時備四時以成歲也此春秋 耳信義何有馬此盟之所以不足貴也 當憲天以出治無棄時也 所由名乎時天時也月王月也明天人之理合王者 卷

/ OFFIT PER ENTRY 七年 春王三月叔姬歸于他 冬宋人取長葛 前書圍志在必取也圍之經年久役毒民肆暴貪利 叔姬伯姬娣也不借歸待年也娣不書此何以書賢 之也後紀亡而歸於鄰以全婦道也将有其終故録 其罪甚矣夫兵以義動猶宜慎之况不義乎君子是 知與夷之不終也 下纂春大直 年 ナモー

滕侯卒 齊侯使其弟年来聘 金グロドナノニー 夏城中丘 為罪雖時且義亦書見勞民為重事也 令君之兄弟先君之子稱公子者其常也書兄及弟 書不時也程子曰春秋凡用民力必書不時害義固 不日不名史失之不其魯不會也 其始

ス11J日ラL XIAラ → 甲暴春头直解 遂成篡弒之禍聖人於年来聘持變文書弟以示貶 皆變文也有譏其私者有責具簿者有美具賢者考 馬是也所惡於私者惡其偏而教之正也偏薄則怨 私之寵愛異於他弟施及其子猶與嫡等襄公絀之 於事而可見矣胡安國曰年者齊僖同母弟也僖公 偏厚則驕驕則多欲欲而不繼終歸於怨怨刃亂也 仁人之於兄弟絕偏繋之私篤友恭之義以禮定分 倫正禍亂息矣

秋公伐邾 A 17 した / 17 E 冬天王使凡伯来聘 此之翰平亦何為也哉人無信不立為人伐人附强 鄭平矣於是伐都以懷宋渝蔑之盟有所不顧則前 討也都鄭伐宋故也鄭既輸平曷為為宋伐都宋及 左氏曰秋宋及鄭平七月庚申盟於宿公伐邾為宋 凌弱殘己附庸信義兩失矣 凡國名周公之裔伯爵也蓋王朝之卿也程子曰周

戎伐凡伯 于楚丘以歸 くこうう 禮也 而後屬宋也王使入境而不能衛遭難而莫之救魯 禮時聘以結諸侯之好諸侯不修臣職而聘之非王 罪大矣以歸罪凡伯不能死於其職也 卿行旅後我以衆犯之故書伐著我之横也楚邱有 不繁國雪邑也襄十年宋公享晉侯於楚邱魯邑 在今河南滑縣衛巴也一在今山東曹縣此是 711.m 柳馨春秋直年

金グログノー 三月鄭伯使宛来歸被庚寅我入初 春宋公衛侯遇于垂 一年 書以示販 故代衛故宋衛有怨於鄭齊之平宋衛者欲使與鄭 相見衛侯許之故遇于垂盖宋以馮故伐鄭鄭以段 左氏曰齊侯将平宋衛有會期宋以幣請於衛請 釋怨也宋公請衛先相見者有所謀也而託於遇 卷 . !

として日か 人はかっ 辛亥宿男卒 夏六月己亥蔡侯考父卒 受而鄭歸之罪鄭也而魯入之罪魯也且賄賂之行 與受同罪故兩書之自是魯固與鄭而伐宋之謀成 平今也歸材先結言而後輸路也天王所賜先祖所 返之辭彼所欲也入者不順之辭非己有也前此輸 初者鄭所賜後王有事於泰山湯沐之邑也歸者不 矣甚矣利之為害大也 御篆春秋直解 千


金万三屋 秋七月庚午宋公齊侯衛侯盟于瓦屋 宋衛徒齊也齊侯盟鄭于石門盟魯于父盟宋衛 不名史失之魯宋當盟于宿不葬非禮也 無伯也桓文以後皆首伯國則無王矣 謂夫盟成於齊而首宋序爵也春秋之初猶序王爵 既黨鄭伐宋又黨宋伐魯君子屢盟亂是用長其山 **克屋其志大矣然假名以求諸侯而非有平怨之心** 冶工量 **於宣公**

欠了已习了 AIDIO 小原春秋直解 九月辛卯公及莒人盟于浮来 莒究未當與魯通也今公受鄭初以赴鄭求應莒人 成紀好也密之盟故也紀営修好因為會致辭馬然 蔡宿同赴而不同葬卑宿也天王之賻不歸雖尊弱 之議其後乃為此盟家鉉翁曰凡公與强國之大夫 不徒志葬也 也膝宿之卒不葬雖親小也可以觀世變馬故春秋 也齊晉之役皆後雖卑强也吴楚之後親送雖疎大 干

全少巨屋と言 螟 盟不書公諱强國以無道加公也與小國之大夫盟 則臣以災為諱諱言災諂也惡聞災慢也民何賴馬 頻災頻書者臣當頻言之君當頻知之也君惡聞災 之臣公替莒人僭矣 則書公以公自欲與之盟也以望國之君而盟小 民為那本本傷國從之矣 有二月無駭卒 國

九年 ラへんつうしかかう 春天王使南季来聘 者是也 傷之也 南氏季字王朝之大夫也王盖再聘隐矣屢書之重 曰無駭以名行及其死則賜之族以王父字為族是 無駭公子展之孫公命以王父之字為展氏家鼓翁 也亦有雖為卿而竟不賜族者如挟柔溺之後無聞 中寨春秋直解 主

挾卒 金万してんだっち 三月葵酉大雨震電庚辰大雨雪 畏也 電為異癸酉至庚辰凡八日大雪遽乗之更異之 挾之後無聞馬非世卿也春秋之初猶近古也後則 所為其美惡之極乃與天地流通而往来相應甚可 周之三月夏之正月也雨或有之以大為異尤以震 矣董仲舒曰書邦家之過無災異之變以此見人 巷



夏暈即師會齊人鄭人伐宋 於公揆厥所由路故也未輸平則黨宋既輸平則黨 利能移人之心也能敗人之信也能亂人之國也 防之會左云謀伐宋此之會左云為師期伐宋實成 齊無信其罪等耳以國之大小言則齊先矣再書暈 鄭不歸所輸則又黨宋既歸所輸則又黨鄭以是知 兵以主者首此報長萬不以鄭首何也鄭許魯貪而 師惡之也權臣執兵柄則君危

SACIONAL SELIO 辛未取部辛已取防 六月壬戌公敗宋師于菅 秋宋人衛人入鄭 宋邑也決旬而取二邑馬貪也陳傅良曰鄭師入而 歸於魯以內取書之者蔽罪於魯也春秋嚴義利之 病公也暈既會伐公復繼之出宋之不意而敗之 辨苟以為利書會取而已識不在鄭也 知察季沃直年 十日 詐

宋人蔡人衛人伐戴鄭伯伐取之 戴居鄭北盖鄭之與國也宋鄭構怨戴何與馬以 其國同歸於亂而已 鄭而不能有因移師以伐其與國其怒遷其毒熾矣 之都報之甚矣宋新敗而逐勤其民鄭恃勝而不守 鄭伯旋師自救而宋已去鄭而伐戴又名蔡而不 人鄭報之速也鄭結魯而披宋之邑宋名衛而踐鄭 者乗鄭之外勝而為檮虚之計也夏鄭伐宋秋宋

金少世屋人一

冬十月壬午齊人鄭人入郊 シスコラシ シャラ 成禍在好兵鄭莊之稔惡在用酯是也然宋鄭之爭 鄭何間而伐之悉取三國之師馬黃仲炎曰宋殤之 宋志也二國入鄉齊志也郊近齊盖籍力以弱鄉而 王命者强加之罪耳肆暴相攻波及與國惟其小而 謀并也鄭以都與防媚會又以成媚齊也云鄉不會 宋實或首又其圖報也酷是以君子尤惡之 五年衛入城城遂服於衛盖衛之與國也三國伐戴 却 家伙直年

多足匹居全書 春滕侯薛侯来朝 十有一年 甞 諸侯朝天子禮也書来朝何為哉周室衰小國畏 義戰之始數 易侮也入春秋以来兵争未有若是年之甚者其無 國而臣事之故會所朝者齊也晉也楚也而三國未 **禾甞相朝馬朝人諂也受人朝借也滕薛並至而書** 朝會馬朝會者滕也薛也曹祀紀小都也而會

ノス・コララ 夏公會鄭伯于時来 秋七月壬午公及齊焦鄭伯入許 謀伐許也鄭以材餌會魯與之伐宋又以宋二邑 来朝盖旅見也非天子不旅見諸疾隐公之罪莫逭 報怨又為之廣地謂之何哉 以主兵言宜首鄭以國之大小言宜先齊乃以公及 之遂與之謀許許與鄭鄰鄭之所利公甘為鄭役而 111 一 丁二年次直并 Ē 餌

金好口屋名言 冬十有一月壬辰公薨 矣 桓薨于齊而夫人孫齊則齊侯殺之而夫人與乎弒 不地見弑究未知誰私之也曰屬辭比事春秋教也 直書弑者不忍彰也以不地見弑者不忍沒也然以 公薨必地不地變也其地有不可言者馬志弑也不 公主兵塞亂源也入春秋而取國盖始於此其罪大 國者公受鄭路而沒於利利者亂之源書公及以

薨而桓即位則桓弑之耳量謀弑而歸獄於桓桓為 首馬耳不言我而就可知不言誰我而誰我可知故 子之專責故繼故不書即位城未討故不書葬也 臣子也討贼之義廣之於人而臣子之責尤重葵尤 遂得臣行父如齊三人共弒之而仲遂其首惡也隱 也子報卒而慶父如齊則慶父弑之也閱薨而夫人 孫邦慶父奔莒則夫人與慶父同弒之也子卒而仲 日春秋之志微而章不書葬者賊不討不葬所以責

			i i	一多定匹库全書 人
	· Day vocano			:

桓公 欽定四庫全書 元年 年桓王九年在位二十 有三年子莊王立 御察春秋直解卷二 春王正月公即位 2.00.2 名允隱公之弟亦惠公之庶子也 繼故不書即位而桓即位何也桓自正其即位之禮 ---印纂春之直罪

金定 三月公會鄭伯于垂鄭伯以壁假許田 蓋以罪歸寫氏為賊已就討又以嫡自居本宜立也 聖人仍舊史以著實而其罪自定且以見亂賊之得 志也天王之失誅也方伯之廢職也曾人之臣仇也 利而求 許田逐前此以枋來易之謀也無以為名曰 吾姑假之且加壁馬魯即如其意以予之賄賂彰矣 而求會書之惡鄭伯也不能討而首會之復因以為 會鄭求定位也鄭方雄於諸侯且與隱睦故桓懼討 匹 ドルノニーで

てこりうころう 秋大水 夏四月丁未公及鄭伯盟于越 溝洫廢而民罹害故謹而書之 聖人傷之 結也割地以逭討黷利以庇罪世裒道徼弒逆得志 民生做人修省也又水有所泄則不為害禹迹既湮 垂會甫閱月而復為此盟蓋許田己歸得賂而深相 大水者恒雨為診繫於時明其久也所以謹天戒憂 甲、一次直旱

春王正月戊申宋督弑其君與夷及其大夫孔父 冬十月 金ダ四月と言 年 惟 宋自與夷立屢舉伐鄭必欲除馮是安思也十年 作王賔允暈偶督相繼交發人倫之變甚矣孔父名)劉敞曰君前臣名是也及累也君弑而臣與其難 戰是阻兵也督乘民怨弑之以立馮魯為望國宋 孔父首息仇牧三臣書及雖孔父先死亦蒙弑文

欠 n.) 」 」 1.1.1.5 柳寨春秋直解 滕子來朝 賊者必三臣也故賊必欲翦之也督不氏未賜族也 **畿崇賊也隱强則朝隱桓弑則朝桓不擇人而謟之** 諸侯受賂而立之故督之後為華氏 宜其弱也書子時王點之也滕侯也而稱子薛侯也 行於小春秋本王制以正名天子之事也然則滕 而稱伯小郑無爵而稱子王朝之點陟不行於大而 下蓋以其能與君為存亡也倘三臣不死則能討

三月公會齊侯陳侯鄭伯于稷以成宋亂 在乎其事不於事求義而以名稱為褒貶斯害春秋 為縣故立華氏也會必有故不書故者故已明也稷 矣 無貶乎曰書來朝非禮可知也名爵自有定稱是非 與澶淵之會書故故未明也稷疑於討督澶淵疑於 討般也國莫弱於無禮人莫惡於無恥禍莫慘於欲 利悲莫痛於心死聚天下之諸侯受賂而共立賊貪

以賂諸侯而皆得立馬其誰不勸弒天下之禍靡所 利蔑禮至於此尚為有恥心乎弑其君取其君之財

夏四月取郜大鼎于宋戊申納于大廟 奏於兄弟之國以為子孫藏則大鼎者必都之分器 華督之賂也大鼎繋郜郜文之昭也武王克商班宗 止矣

取之貪也著成亂之由也書納逆也神弗受也大廟

文三日華主方 柳寨春秋直解

蔡侯鄭伯會于鄧 秋七月紀侯來朝 哉失所因矣 謀齊難也齊欲滅紀紀婚魯故來朝而謀之桓何 周公廟也納於大廟路彰而教弑也誣其祖矣 楚争蔡晉與楚爭鄭也其地以國 鄧亦與馬鄧近楚 宋陳鄭許之郊得鄭則界絕齊魯秦晉之路故齊與 左氏曰始懼楚也蔡鄭天下之中也楚得蔡則長驅

たこうえ 九月入杞 楚姻國也蓋畏楚而託於鄧也然鄧不自保能庇蔡 鄭乎書鄧之會惡楚之馮陵也傷周室之無政與諸 及戎盟于唐 書入惡桓也負大惡而入人之國無忌憚之甚也不 侯之無謀也 稱將將卑也二王之後莒取其邑魯入其都君子傷 2.1 4.17 印纂春秋直解 Ā

春正月 三年 冬公至自唐 タゼニノとうも 也桓自與戎盟此有畏而求於彼也 修舊好也隱因戎之再請而始盟彼有慕而求於此 告於廟也凡公行必告於廟及行飲至舎爵策勲馬 禮也公至繁不勝書必有關得失之故而後書常事 則不書也

RYDE CALLED 夏齊侯衛侯胥命于蒲 公會齊侯于嬴 薨于齊豈非天哉其謀以自全者適所以自 禍敏 齊書之惡齊之黨賊也抑桓之婚齊求追討也而卒 桓先納賂以結鄭齊為東州之大國次即乞婚以連 不書王闕也未修之前史有闕文既修之後經有闕 自中邱會後齊鄭與隱相親也鄭執周政而多詐故 文史闕聖人因之慎也經闕後人說馬鑿也 御寒春秋直解

六月公會紀侯于郕 為紀結郊也齊欲滅紀郊亦與齊有怨故公與紀會 胥命者相命也同列勢均不以齊倭命衛倭故曰胥 勸懲之極故善人有微惡必恕之成為善之美也惡 且其事又有善否馬今亦未知其事之果善也 于郕約拒齊也桓誠惡然其欲存紀則善矣春秋立 之愈於盟則可謂之正則不可其所命者非王命也 命也不盟結言猶近古馬茍卿曰春秋善胥命然謂

て ... 」 一人 御寒春秋直解 秋七月壬辰朔日有食之既 公子暈如齊逆女 **量於桓之世位以卿而逆夫人尊而親之也故稱公** 心焉是曰天也 既盡也其變大矣春秋日食三十六其旣者三馬 費弑者志於弑以是知桓之果首弑也 子馬其與弑可知也與弑者而尊而親之是賞弑也 有微善必録之開遷善之門也如其善惡而無成

九月齊候送姜氏于謹 夫人姜氏至自齊 公會齊便于謹 送女也輕禮而重勢也輕禮必不能盡倫倫失則階 齊使以送姜氏來而公以會齊侯往其意在會不在 成禮也據魯言齊故曰姜氏 厲重勢必不能守義義虧則召侮 父送女非禮也不稱女已至魯境也不稱夫人猶未

Pr.)コミ 1115 | 柳寨春秋直解 冬齊侯使其弟年來聘 致夫人也齊候送女其弟致女私文姜也前使弟今 貴義不貴惠繩其偏私使歸於正 缺乎後年之子無知作亂亦僖有以啟之也故春秋 之君子懼焉 又使弟私年也私者禍之階文姜之淫母亦義訓有

姜氏于讙也因會乞婚因會成禮始之不正庸人忽

不言暈以者既得見乎公也不言公以者不與公受

有年 春正月公狩于郎 四年 年宣書大有年餘皆不書者常也桓宣何以書幸之 先時警備及時軫恤也豐則不畫十二公惟桓書有 有年者豐也歲有豐凶天之行也歲凶必書示人君 也桓十八年止一有年宣十八年止一大有年他年 一歉可知也

からせん

生き

てこうえ ここ 夏天王使宰渠伯糾來聘 矣蒐苗禰狩不時則傷農不地則害物 于郎書也郎嚴邑也前城之今将馬習備也然非地 冬田曰狩周之春則夏之冬狩時也得時何以書為 能諫復為使馬失職矣赗仲子啞與有責馬聘桓糾 桓至是立四年矣王不能討又下聘馬失政矣宰不 以字書卿以爵書獨宰以官書重宰也宰而名之從 與有責馬王之下士以人書中士上士以名書大夫 中聚春火在早

金はんせんんとうと 五年 春正月甲戌 已丑陳侯鮑卒 蓋在此乎故趙匡曰當記陳作作亂之事是也 終也左傳云陳佗殺太子免則事之始也經無見馬 無事闕文也春秋記事必有始終蔡人殺陳佗事之 中士之例深青宰也是年無秋冬闕也 甲戌之後不適月而卒以憂卒也是嘗會稷以成宋

37. 17.51 1. ... 夏齊侯鄭伯如紀 非 也往其地曰如行朝禮曰朝惟朝王為宜故朝王雖 朝然疾之也傳曰朝而經書如傳以紀事經以明義 按左氏齊鄭朝紀欲以襲之是知齊鄭之朝紀偽也 亂者遂自亂也陳桓魯桓及身而亂齊僖鄭莊身殁 紀人知之其計不行然後以朝反春秋書之使若誠 而亂利人之亂惡有不亂者哉 其地亦曰朝公朝于王所是也成十三年公從諸 即、春沒有甲

金定四层全三 天王使仍叔之子來聘 不與其朝也他國來魯書朝魯者彼失禮而此受之 與其朝也朝齊晉與楚亦曰如惡其以王禮事人而 侯伐秦遇周而朝止曰如蓋病其行禮之不專而不 故貶彼以見義外相朝亦曰如蓋沒其實以見義皆 所以尊王也 奉使世官而子弟與政也桓罪著矣一聘己非况再 仍氏叔字王朝之大夫也仍叔之子父在子弱而 卷二 ح

少定四車全書 葬陳桓公 君魯不討而往會馬故書以著其罪 **佗當君在而殄君嗣君由是卒是賊也賊未討而葬** 使聘魯意召兵於魯乎魯重私黨而輕王命王師之 聘乎且以未命者将命王命輕矣周哀世卿專政爵 必由之是年秋王代鄭從者蔡衛陳三國而已今屢 不以德使不以能君狗其爱臣執其柄國家之散恒 敗魯有責矣 你察春秋直解 1

城祝丘 秋蔡人衛人陳人從王代鄭 備齊也公將抗齊以存紀故備之夏城之不時也 將而親征非計也且大國無從馬祗蔡衛與鄭有怨 朝固有罪矣然視宋魯篡逆楚僣王號戎執王臣罪 周弱久矣桓王一旦欲振其威當權其輕重鄭之 外任方伯鄭莊狡而善戰宜簡元老以壯其猷不命 **孰重乎不擇罪而致討非義也天子之征內使卿**

ヤマリコニュー 御寒春秋直解 陳代計圖定位又皆稱人将卑師少以做者行也卒 書會用其師書以王者天下之共主則書從而已矣 而不伐書伐者見未盡天討之義也沒其戰隱其敗 此之王不稱天恒解也蓋鄭罪本當治也諸侯同伐 者特文也先舉其事以屬於王而不稱天者恒辭也 屬辭之法首舉王而事繫於下則稱天王其不稱天 之不戰而衄重挫王靈自後王命益不行於天下矣 二國從王順也以微者從則蹈慢王之罪矣天子討

大雩 冬蛾 祭也志災也天子雩於上帝諸侯雩於境內山川書 龍見而奪歲之常祀故經無書六月奪者過則書旱 哉 事而始見其詞嚴其旨微矣 大雩者雩於上帝因災以著僣也經於魯之僭皆因 又以存天下之防也至鄭致王伐而又不服可勝誅

六年 Children Links 春正月寔來 冬州公如曹 憫周惡鄭而責州公之無具也 蝗也常因旱而生志災以憫民也 邑州公蓋食采於州而為王之三公者也伐鄭之役 師敗王傷懼而謀自託馬故如曹乎何以書過魯也 以爵書公者宋是也以官書公者則三公也州家内 御暴春头直岸

生ラゼモ とき 夏四月公會紀侯于邸 謀齊難也齊鄭如紀故也紀尚知懼宜返而自修即 不書使非王命也書來非事也王師喪敗王臣四出 中士再命宜以名見則寔者王之中士也似為近之 與祭伯來相類葉夢得曰王之上士三命以名氏見 不得免效死可也與桓謀之奚益哉卒之紀滅而郁 天子不能庇其官王臣不能守其職蓋參譏己 二傳以寔來為州公來或以寔為州公名詳其文義

己己り与 Acto 柳寨春秋直解 秋八月壬午大閱 夏之冬而行于周之秋不時也凡王所舉多曰大書 武也今畏齊防鄭不因将而簡車馬非制也不行于 盖農事既畢不妨民也四時習戰皆因田而行不玩 降于齊再書此會哀紀之不能立明桓之不可倚而 齊恃强吞弱其罪甚矣 大閱又因以著偕也 (閱簡車馬也四時均教民習戰惟仲冬大閱為詳 四四

蔡人殺陳佗 賊之途也而陳之臣子不能討其罪著矣故曰春秋 成而亂臣賊子懼 楚人亦同此義蔡討陳之賊可乎不擇人而討廣討 其出其心私也然能正其罪其事則公也故從討賊 **他自立逾年而斥其名賊也蔡人謂誰蔡便也按左** 氏陳厲公蔡出也故蔡人殺佗而立之夫蔡侯欲立 之辭而變文稱人存公義也楚子殺陳夏徴舒而書 人生 こ 少 主四華全書 冬紀侯來朝 九月丁卯子同生 明分所以重國本杜亂源也鄭玉曰子生則書見名 事倚人可見矣 桓方會紀紀復來朝求魯之亟也紀之荒內治而徒 爵秩之贵而明君臣之義 分之己定而明父子之親誓於天子然後稱世子見 子者繼體之稱生於夫人又以禮舉之則書蓋正始 御藥春秋直解 芝

春二月已亥焚咸丘 夏穀伯綏來朝鄧侯吾離來朝 年 而物盡故識之 制講禮非尚殺也訓軍非盡物也淫獵則殺不以禮 以逐禽獸耳書焚咸邱則盡其地而溫雅矣蒐狩之 火田也咸邱地名古者昆蟲蟄而後火田蓋去莽翳 難也名之失地也蔡鄭嘗會于節矣穀鄧皆近

とこうロンス Actains 柳寨春秋直解 春正月已卯烝 年 楚楚欲有事於蔡鄭必先有事於穀鄧穀鄧距魯千 書來朝殊見也按左氏鄧於莊十八年始滅於楚意 地何以書朝彼以禮來此以禮接之安得而不書再 方望國庶能安已而求援耳不知魯之不足恃也失 四百里其朝曾者為楚所逼委國而奔意以曾為東 吾離來奔而都復立君乎 十六一

天王使家父來聘 夏五月丁丑烝 家氏父字王之大夫也王蓋三聘桓矣下書逆后則 非為不時志也為再烝書也 欲存紀因為紀謀俾納女於王託王為重馬王娶后 此之聘蓋言婚紀乎婚紀曷為與魯言魯請之也魯 以母天下乃輕狗魯請可乎哉 冬祭曰烝周之春夏之冬烝時也何以書胡安國曰

秋伐邾 歲二烝贖也時祭當用夏之孟月若有故及日不吉 四時之祭惟烝為腆冬則物備也非冬而烝亟也 滕紀穀都皆朝而邾不至故伐之邾不至義也是以 用仲月今用建辰則季月也又過時而慢矣皆非禮 业 五月建辰為夏之季春春祭為祠今蓋以烝代祠也 不義伐義也

祭公來遂逆王后于紀 金定匹库全書 冬十月雨雪 祭公何以來命魯主婚也至尊不可與倭國為禮也 周十月夏之八月不應雨雪書以紀異且明害稼也 魯則輕祭公來而遂逆則輕王后女在其國稱女此 稱王后何王命之斯后矣尊王命也 婚禮不稱主人故不言使魯承命矣祭公宜復命且 ,婚之禮祖於廟而後行不可以二事出也使公來

九年 春紀季姜歸于京師 道王化之基也髙閱曰后必嫡女今曰季姜非嫡也 程端學曰紀畏齊而納女魯弑賊而主婚王娶紀之 從父母所子而稱季姜化天下以婦順也此正始之 紀也胡安國曰自逆者而言則當尊崇其匹故從天 季字姜紀姓也歸不言以至者王者無外不可言自 王所命而稱王后示天下之母儀也自歸者而言則 印察春上直 +

秋七月 金次四屋台 冬曹伯使其世子射姑來朝 夏四月 季女皆非也 使世子來朝者攝也周官典命凡諸侯之嫡子誓於 事不可廢耳朝桓何急乎且至正月而終生卒矣比 子男是世子固有攝其君之禮然謂朝於天子則王 天子而攝其君下其君之禮一等未普則以皮吊繼

東定四華 全八十 御暴春秋直解 春王正月 十年 庚申曹伯終生卒 夏五月菲曹桓公 五月而葬正也諸侯五月同盟至曾會之禮也 亦不得無過也 攝朝於冬春初君卒可以辭而不辭從亂命也世子

十九

冬十有二月丙午齊侯衛侯鄭伯來戰于郎 秋公會衛侯于桃丘弗遇 戰書弗遇惡無信也 按左氏以郎之戰為鄭請師於齊是鄭主兵乃首齊 好美衛初以鄭故約會終以齊故中更於是有郎之 魯桓求會馬將以為援也然蒲之胥命衛與齊有舊 紀魯欲存之伐鄭之役衛實從王是與鄭有隊矣故 期而不信也衛中變而公獨至故弗遇齊鄭急於圖

をシリのちてくこと 御菜春秋直解 春正月齊人衛人鄭人盟于惡曹 十有一年 為名結衛偕來耳春秋不循其迹而誅其心故首齊 也諸侯加兵於魯衆矣此獨不稱侵伐以來戰為文 紀為齊所惡而存紀固義舉不可執以為辭姑借鄭 何也曰鄭忽怒而請師於齊事在五年之前桓欲存 者责在外也 二國之君方為郎之戰逾月即為此盟則其為三國 千

夏五月癸未鄭伯寤生卒 也數 紀義也而盟以絕之是誓不為義也此其可略之實 奪爵以示貶也三國來戰又為此盟同絕會也魯存 邱夏暈帥師會齊人鄭人伐宋此其例也人之者略 之也以為不足再書其爵則人之而已矣譏辭也非 "君審矣何以不書爵而稱人吕大圭曰春秋書法 役再見者則人之隱十年公會齊侯鄭伯于中

とこり はたう 秋七月葬鄭莊公 九月宋人執鄭祭仲 逾 两月而葬速也時突在宋蓋慮有爭馬耳 惡專執也寤生卒世子忽立突宋出也故宋人執仲 王者作尚待教而後誅之哉而卒於其位君子傷之 春秋之初罪莫甚於鄭莊至繻葛之戰敢敗王師有 莊以馬之故屢與宋戰曾莫之報乃挟突以亂鄭而 使出忽而納突祭氏仲字命大夫也宋公者碼也鄭 即暴春秋直早 Ŧ

金罗四十八月三 突歸于鄭 鄭忽出奔衛 突不擊鄭不宜有鄭也不稱公子爭國也歸有順辭 有易解突不順而書歸易也權在祭仲也突篡而首 誘執其命卿使廢正而立不正不仁哉 稱子嗣父之重未周乎丧委國而出豈曰能子乃其 忽擊鄭宜有鄭也不書爵未逾年也未逾年何以不 惡屬仲著禍本也 卷二

爭國者故名以別之也或曰祭仲之為此者權也姑 惡之可指故春秋不忍終絕也名之者何失國而有 後復歸而稱世子何也曰忽失在不能自立而非有 出忽而立实則身可不死而突可徐出忽可徐反是 計可否不計利害其觀人也論是非不論成敗祭仲 仲之骨已朽而突焉得出而忽焉得反君子之處事 道矣惡乎權突出忽反亦偶然耳該雅糾之計行則 フラ ここ 不然夫權者道之準也不守節死義而從人廢立悖 一即 文 、 早

人一好匹工在書 柔會宋公陳侯蔡叔盟于折 公會宋公于夫鍾 柔會卿也不氏未賜族也蔡倭無子蔡叔蔡侯之弟 陳蔡蓋以敵齊鄭也然以大夫盟諸侯非禮矣內大 以國繁字示兄終弟及之義也魯以即之敗而求宋 比而書之惡宋而罪祭仲也 夫帥師自無駭始與諸侯盟自柔始 執而突歸忽出其力足以濟而不能守義具見矣

冬十有二月公會宋公于闞 夏六月壬寅公會紀侯苔子盟于曲池 春正月 アニーラ 11111 柳栗春秋直解 有二年 陳蔡一盟即合魯嘗敗宋而取其邑折之盟公又不 尋浮來之盟也紀故也 冬又會亟求之也 往宋疑馬故公親會以求之也 Ī

冬十有一月公會宋公于龜 秋七月丁亥公會宋公與人盟于穀丘 公會宋公于虚 月壬辰陳侯躍卒 盟宋而無盟燕皆以廣已之援也燕南燕也姞姓 两會之後復為此盟固宋也前盟宋而無盟陳蔡此 既盟而又會何也前此兩會两盟皆會自為也繼此 新盟于折不葬非禮也

これりラー人によう ·印暴春秋直解 丙戌公會鄭伯盟于武父 魯不堪其責路也魯宋勢盡而交疎鄭宋利盡而争 宋辭平故也鄭伯者突也宋所立也曷為背宋而盟 事其情見矣 會以要之宗終辭平故公忽而盟鄭以伐宋屬辭比 两會以為鄭也乃左氏於穀邱之盟即有欲平宋鄭 起宋朝魯而暮齊魯朝宋而暮鄭鄭朝宋而暮魯觀 之文宋以責賂不遂與鄭不平平鄭未有成言又两 孟

全牙四人人 丙戌衛侯晉卒 十有二月及鄭師伐宋丁未戰于宋 曾鄭伐之然資其力以篡國者鄭突也魯為突求平 陳傅良謂一後再見而略之者是也宋黷賂無厭故 此公及鄭伯也內不言公而書及外不爵鄭而稱師 再書丙戌因酱史也 其離合而世道人心可知矣 不從則亦已矣背盟不顧動衆毒民何為哉書戰于

齊師宋師衛師燕師敗績 春二月公會紀侯鄭伯已已及齊侯宋公衛侯燕人 こうこうちにいる 十有三年 魯與齊戰也自戰郎以來齊不忘紀魯不忘齊二年 宋責魯鄭也 伐宋齊人因之遂結宋而連衛燕以伐魯馬燕夲 宋魯同盟見桓背盟伐宋故從宋也魯急而請救於)間三盟四會懼齊故也魯結宋以敵齊反因鄭而 一 卸寨卷秋直解 Ī

齊則怠矣戰稱君臣紀實也敗稱師重衆也衛宣未 魯直紀怒齊鄭怒宋雖曰從魯猶自戰也衛燕之從 非所以存紀也四國敗績有敗道也齊魯爭紀齊曲 之戰丁未之戰激之也已實致冠而戰馬齊怒愈甚 紀鄭待紀鄭皆來而始能決日以戰故先會而後以 葬而朔稱侯逾年也丧在殯孤無外事逾年稱君則 已已戰也戰不地於魯都也以魯主戰自治也今日 可未葬而從諸侯以即戎則不可

秋七月 夏大水 冬十月 アノスンコードところ 十有四年 廢禮惡不忘親 戰乃會其葬是知古人以葬為重也怨不棄義怒不 嗣子朔敗續而歸乃葬其親甚哉其不仁也魯與衛 月葬衛宣公 P. 蔡春头直 平 子六

金りロシハくう 春正月公會鄭伯于曹 燠而無冰蓋政治縱弛不明之所致也氣失藏而萬 化乖其理矣劉向曰周失之舒秦失之急故周哀 故會以謀之地以國曹亦與馬魯鄭同惡而曹比 修武父之好也魯鄭伐宋又敗四國之師懼其復 **寒歲秦末無燠年** 匪 恕

夏五 鄭伯使其弟語來盟 八三·司马 Alin 卸寨春秋直解 春秋之作也筆削以定天下之法此之夏五闕月與 諸大夫而使其弟私也亦不得已也既而宋伐於外 來盟稱使前定也蓋已有約未足效信復遣使以結 事者蓋文成之後傳之脫漏耳 **仲抗於内窮而出奔矣蓋得國不正禍必至此其後**)也突與宋惡所恃惟魯忽尚同累疊儀在中不任

人うないと 乙亥嘗 御廪公所親耕以奉粢威之所也天火曰災 舉以祭慢其祖矣况周之八月夏之六月稼未登場 安得新而嘗之以陳為新非嘗也若不時而紊先典 壬申至乙亥方四日災於致齊之初不懼而改卜遽 八月壬申御廪災 櫟有鄭亦倖馬耳

宋人以齊人蔡人衛人陳人伐鄭 冬十有二月丁已齊侯禄父卒 ケーノワヤムシ 一柳葉春秋直解 鲁隙兵敗而抑鬱以死寤生悮之也易曰比之匪 < 禄父有圖伯之志晚從鄭伯貪利忘義以紀故遂 東遷之初以伐國為罪至於會伐交亂甚矣以一國 不亦傷乎 右之以行己意惡首禍也宋黨孽贖貨樓諸侯以伐 而用諸侯之師自此始故特文以著其罪以者能左

春二月天王使家父來求車 十有五年 月乙未天王崩 諸侯於王朝有常貢周泉諸侯不臣遂至下求所求 桓王也魯宋弑君不能討喪師於鄭陵夷甚矣西周 非道益取輕於諸侯家父無所救正自取辱命之咎 矣 國其惡甚矣故皆不稱爵而書人

夏四月已已葬齊僖公 ヤハリコニ Aila 一 柳寨春秋直解 五月鄭伯突出奔察 事以觀其罪見矣 突之歸書宋執仲明其所以篡也罪仲重於罪突也 齊信與魯屬尋干戈而會葬如禮王崩則莫之赴比 之不復平王為之也東周之不振桓王為之也 突之奔不書仲逐突位本非其有也责突深於責仲 也稱鄭伯嘗君鄭也斥名者見鄭有君也忽雖未歸 芫丸

鄭世子忽復歸于鄭 シジロ 時丧未逾年今歸後始成為君方歸猶未君也不可 世子未嗣位之稱忽嗣君位五月而奔四年乃歸歸 國固其國也 而書復復其位也何以以未嗣位之稱稱之乎盖奔 書爵喪已除矣不可稱子探其本而特書世子所以 掌仲罪可勝誅哉 别於突而明正也突歸忽出突出忽歸廢立易若反

許叔入于許 公會齊侯于艾 て こ ヨシー へこう 齊與魯絕矣齊僖即世魯往會葬復與齊通襄居丧 亂許叔乘之復國故擊以國而書叔叔者兄弟之行 出會是蔑禮也桓喜於釋怨而押之其禍遂兆於此 次也趙匡曰言與君一體是也何以書入無王命也 二國入許許君奔衛許已滅矣至此十五年而鄭內 人年人葛人來朝 中寨春秋直解 幸

秋九月鄭伯突入于樂 春秋一國而二君者鄭之忽與突衛之衍與剽也突 君書字書名故其世子降而稱人是也王喪未逾年 而行嘉禮桓不赴王喪儼受人之朝且旅見馬重識 正而剽不正也春秋别嫌疑以明是非而已矣于櫟 人櫟而書名忽正而突不正也行入夷儀而不名行 一國告附庸也何以稱人杜預曰皆附庸世子也其 ロナハム てこのうとなる 冬十有一月公會宋公衛候陳侯于襄伐鄭 有六年 從者計利順逆之理舉不復問此天下所以亂也 仇宋而有功於魯故宋欲伐突魯欲伐忽會而謀之 忽在鄭突在櫟會于裏謀所伐也伐鄭則伐忽也突 置子元使昭公不終則莊之治謀誤也 志大都耦國之害也制死號君京禍太叔乃城櫟而 卒從魯而伐忽也何為從魯突又許賂也謀者徇私 御寨春秋直解 ÷

春正月公會宋公蔡侯衛侯于曹 夏四月公會宋公衛使陳侯蔡侯伐鄭 復伐忽也忽出五年莫有仗義而助之者突甫出而 前冬伐忽以納突而不克此復謀伐忽也又邀察同 衛則殺伋毒而立之朔也同惡相比惟利是圖陳蔡 宋則弑與夷而立之馮也魯則弑息姑而立之允也 會黨益張矣地以國曹亦與也 , 櫟五國翕然來會為利而已矣突以賂結諸倭而

秋七月公至自伐鄭 大只可以 Aikin 牵於大國時先時後比事觀之蔑周班而行私縣可 由冬歷夏至秋而還黨纂排正以之告至矯誣甚矣 春秋因事以見法不求備於史以著其人 自此以後忽與亹儀皆不見於經蓋暋桓黨突以定 知矣逾年鄭即有高渠彌之禍則忽之不終突之坐 其位赴告時通忽儀亹之弑殺則不告故莫得紀焉 人五國為之矣 > 御票春秋直解 二十二

冬城向 十有一 とうえした 衛立公子點年而朔始奔其止書朔奔何朔有罪也 繋月者城築之事非可月竟也冬城之時也志工役 莒爭向也至宣四年伐莒取向向乃為魯有城未有 向地介魯苕之交隱二年苕人入向矣城之蓋欲與 名之者别於黔牟也朔搆殺二凡而奪其位又淩蒑 乙與重民力也 月衛便朔出奔齊 رِ - ا

春正月丙辰公會齊使紀侯盟于黄 文已日至 公方 有七年 敗齊齊慮深矣齊裹因公求平說為此盟以安紀之 為紀平齊也紀處齊肘腋齊志在必取而紀反助魯 之立必有王命矣朔齊出也故奔齊 天子周室欲討二公子因之立黔牟而逐朔則黔牟 心而弛其備後二年齊遂遷紀三邑是可以知齊 乙本謀矣 印纂春秋直解 圭

六月丁丑蔡侯封人卒 夏五月丙午及齊師戰于奚 二月丙午公會邾儀父盟于雄 黃盟未幾遠與師齊惡著矣魯方為紀求平而遂與 齊戰何哉 尋蔑之盟也 同心禦楚而自相敞不數年而則敗蔡謀之不臧自 蔡侯鄭伯懼楚而會于鄧 19 1916 >蔡數伐鄭違初計矣不

ここりょうう 秋八月蔡季自陳歸于蔡 **治伊戚桓侯之謂乎** 前書蔡叔次立者也今又書季蓋叔先蔡候卒而次 明矣歸順辭蔡侯無子而季次立非争國也志歸不 志出奔略之也左云磬人召之穀云陳有奉馬內得 立又在季也季之歸介於蔡侯卒葬之間其為嗣位 王命耳 泉外得的歸立莫善於季惟經書自陳則貶其不出 中一次春天工洋 三面

冬十月朔日有食之 癸己葬蔡桓侯 产发正屋点 及宋人衛人伐邾 盖告王請諡禮也 諡稱公非正也臣子之辭也稱本爵正也天王誄之 宋志也都鄭嘗伐宋也衛為宋黨從宋無足深怪魯 春與邾盟而秋伐之不信而佳兵可乎哉 也晉便仇卒於平王之世諡曰文使是也蔡桓書便

春王正月公會齊侯于樂公與夫人姜氏遂如齊 夏四月丙子公薨于齊 十有八年 ことしつ・1 こと 哉會而遂如夫人之志也押齊侯而偕夫人以來會 黄盟未幾運戰于奚奚戰未幾逐為此會如齊何為 縱夫人而隨齊侯以如齊書公與夫人者順之之辭 矣會曰公會如曰公與究禍本也 彼欲而此從之也不閑有家而身從之禍之至也必 中暴春及在解 Ī

秋七月 金只正屋人 丁酉公之丧至自齊 内弑書薨而不地在外不論有故無故皆當書地今 孫于齊其事微而章矣 有與聞乎弑之罪也前書公與夫人如齊後書夫人 公與夫人如齊而公薨于齊則其故在齊而夫人固 之憤也 傷之也不生還而喪至所以發魯之臣子不共戴天

冬十有二月已母葬我君桓公 ... 謂也次年書夫人姜氏孫于齊則討賊之義可知矣 其實之不可掩且在臣子有不忍言者非賊在外之 迹與夫人之與聞乎私也春秋因魯史之舊文以著 公以丧歸而成禮以葬蓋當其時欲以泯乎被弑之 ŧ

